



JABATAN KEMAJUAN ISLAM MALAYSIA

**TEKS KHUTBAH AIDILFITRI
(RUMAH)**

Tajuk :

“AIDILFITRI DIRAI, KELUARGA DISANTUNI”

Tarikh Dibaca :

1 SYAWAL 1442H

Disediakan oleh :

Jabatan Kemajuan Islam Malaysia



“AIDILFITRI DIRAI, KELUARGA DISANTUNI”

1 Syawal 1442H

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ

اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ مُخْلِصِينَ لَهُ الدِّينَ، وَلَوْ كَرِهَ الْكَافِرُونَ، لَا إِلَهَ إِلَّا اللَّهُ وَحْدَهُ، صَدَقَ وَعْدُهُ، وَنَصَرَ عَبْدَهُ، وَأَعَزَّ جُنْدَهُ وَهَزَمَ الْأَحْزَابَ وَحْدَهُ. لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ خَاتَمِ الْأَنْبِيَاءِ وَالْمُرْسَلِينَ وَعَلَى آلِهِ وَصَحْبِهِ أَجْمَعِينَ. أَمَّا بَعْدُ، يَا عِبَادَ اللَّهِ اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ وَطَاعَتِهِ لَعَلَّكُمْ تُرْحَمُونَ.

Wahai keluargaku yang dikasihi,

Bertakwalah kepada Allah SWT dengan melaksanakan segala perintah-Nya dan menjauhi segala larangan-Nya. Mudah-mudahan kita sentiasa berada dalam rahmat dan keredhaan Allah SWT di dunia mahupun di akhirat. Marilah kita menzahirkan rasa syukur kepada Allah SWT atas segala nikmat dan kurniaan yang telah diberikan kepada kita selama ini.

Wahai ahli keluarga yang kukasihi,

Pada hari ini, kita menyambut Aidilfitri yang menjadi simbolik kepada kembalinya kita kepada keadaan fitrah setelah sebulan kita dilatih dalam Madrasah Ramadan. Kita telah berjuang melawan hawa nafsu, mengawal amarah, kita juga telah bersungguh-sungguh mendekatkan diri kepada Allah SWT, melaksanakan sebanyak mungkin kebaikan, dan melaksanakan ibadah puasa dengan harapan tinggi agar kita menjadi hamba-Nya yang bertakwa, diterima amalan, dan dimakbulkan doa kita. Kita telah melalui Ramadan dengan solat berjemaah, makan bersama, bertadarus dan melaksanakan amalan-amalan lain secara bersama. Maka suka untuk saya mengingatkan kepada ahli keluargaku untuk kita meneruskan amalan-amalan tersebut bagi mengukuhkan lagi hubungan kekeluargaan kita bersama Allah SWT.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ،

Wahai ahli keluarga yang kukasihi,

Aidilfitri merupakan hari untuk kita bergembira dan ia merupakan kegembiraan yang dikhususkan untuk umat Islam. Sungguhpun suasana sambutan pada kali ini agak berbeza seperti kebiasaan, kita tetap perlu mensyukuri nikmat ini dan menzahirkan kegembiraan kita. Sememangnya kita masih lagi diuji dengan wabak ini. Kepada Allah SWT jualah tempat kita memohon pertolongan agar Dia menghilangkan semua wabak ini dan mengangkat ujian yang kita hadapi ini. Sesungguhnya tiada daya dan upaya kita semua melainkan dengan kekuatan dan kekuasaan Allah SWT jua.

Wahai keluargaku yang dikasihi,

Sempena Aidilfitri ini juga, marilah kita saling memaafkan antara satu sama lain. Keluarga inilah “harta” kita dan kita wajib menjaganya sebaik mungkin. “Air dicincang tidakkan putus”, “carik-carik bulu ayam, lama-lama bercantum jua”, itulah antara ungkapan orang dulu-dulu bagi menggambarkan betapa kita sebagai ahli keluarga walau apa jua yang berlaku, keluarga tetap keluarga. Sesungguhnya memaafkan orang lain itu merupakan suatu *keizzahan* (kemuliaan) buat seseorang mukmin lebih-lebih lagi antara sesama ahli keluarga kita sebagaimana yang dinyatakan oleh Rasulullah SAW:

وَمَا زَادَ اللَّهُ عَبْدًا بِعَفْوٍ إِلَّا عِزًّا

Maksudnya: “Dan tidaklah Allah menambah seorang hamba dengan kemudahan untuk memaafkan, kecuali Allah akan memberinya *izzah* (kemuliaan).” (Hadis riwayat Imam Muslim)

Justeru, saya ingin mengingatkan kepada ahli keluargaku semua agar kita menjaga batas-batas hukum yang telah ditetapkan Islam antaranya mendirikan solat, menutup aurat, saling menghormati dan menyayangi antara satu sama lain. Saya juga ingin mengingatkan kepada semua untuk kita saling membantu lebih-lebih lagi jika ada dari kalangan ahli keluarga atau adik beradik kita yang diuji sama ada diuji dengan kemiskinan, penyakit dan lain-lain lagi. Seterusnya, saya ingin mengingatkan kepada semua untuk terus bersabar menghadapi situasi pandemik ini. Marilah sama-sama kita bertaubat dengan bersungguh-sungguh, bermunajat dengan penuh pengharapan kepada Allah SWT agar Dia mengampunkan segala dosa kita, dosa ahli keluarga, dan dosa seluruh umat Islam di dunia ini seterusnya melimpahkan rahmat dan berkat kepada kita semua serta menghilangkan wabak penyakit ini dengan segera.

Allah SWT berfirman:

فَأَسْتَجِبْنَا لَهُ وَنَجَّيْنَاهُ مِنَ الْغَمِّ وَكَذَلِكَ نُجِي الْمُؤْمِنِينَ ۝۸۸

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ
 اللَّهُمَّ أَيْدٍ بِدَوَامِ التَّوْفِيقِ وَالْهُدَايَةِ وَالصِّحَّةِ وَالسَّلَامَةِ مَلِكْنَا كَبَاوَهُ دُوْلِي يَغْ مَهَا مُوْلِيَا
 سِرِي قُدُوكْ بِكَيْنِدَا يَغْ دَفْرَتَوَانِ اِكُوغْ ، السُّلْطَانِ عَبْدُ اللَّهِ رِعَايَةُ الدِّينِ الْمُصْطَفَى
 بِاللَّهِ شَاهِ ابْنِ الْمَرْحُومِ سُلْطَانِ حَاجِ أَحْمَدَ شَاهِ الْمُسْتَعِينِ بِاللَّهِ.

وَكَذَلِكَ كَبَاوَهُ دُوْلِي يَغْ مَهَا مُوْلِيَا سِرِي قُدُوكْ بِكَيْنِدَا رَاجِ قُرْمَايسُورِي اِكُوغْ،
 تُونْكُو (Tunku) حَاجِهِ عَزِيزَةَ أَمِينَةَ مَيْمُونَةَ إِسْكَندَرِيَّةَ بِنْتِ الْمَرْحُومِ الْمُتَوَكَّلِ عَلَى
 اللَّهِ سُلْطَانِ إِسْكَندَرِ الْحَاجِ.

Ya Allah, Kau ampunkanlah segala dosa kami, ibu bapa kami, kaum keluarga kami, para pemimpin kami dan semua kaum muslimin dan muslimat yang masih hidup dan yang telah meninggalkan kami. Ya Allah, Kau terimalah semua amal ibadah kami dan rahmatilah kami dengan keampunan-Mu dan kasih sayang-Mu. Ya Allah, Kau hilangkanlah wabak Covid-19 dari negara kami serta negara-negara lain di seluruh dunia supaya kami dapat meneruskan kehidupan kami sebagai khalifah-Mu di muka bumi ini.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
 اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ.